



Minggu, 29 Oktober 2023
Ogen: Bilangen 12:1-15



Ikenai Ukumen Si Mberat



Lit singatakenca maka "adi atendu nuduh kalak alu jari tuduh-tuduhndu, arus ingetndu maka tuduh-tuhu e sada ku kalak ndai, empat ngala kempak kam." Kata enda mpersingeti kita segelah ula lampasa entah metersa nalahken kalak i bas kesalahnenna. Teptep manusia lit nge salah lepakna, bage ka pe kita melala nge salah sinilakoken.

Meriam ras Harun merawa dengen nalahken Musa erkiteken iempaina diberu bangsa Kus. Aturen si lit dengen si ni jaga tupung si e la banci erjabu ras bangsa sideban. Kesalahen Musa enda la terjeng ituduh man Musa, tapi isingetken pe kerna kuasa otoritas Dibata. Nina Meriam maka labo man Musa saja ngenca baci Dibata ngerana tapi man bana ras Harun pe banci nge Dibata ngerana. Kasus Musa si erjabu ras bangsa sideban tapi lalar ranan Meriam kerna Dibata. Kesalahen ipebelin-belin, aminna pe kinatana Musa meteruk kal ukurna. Ibegi Tuhan belas-belas Meriam enda, e maka isuruhNa teluna ia njumpai Tuhan bas Kemah Perjumpaan. IturikenNa palas Dibata ngerana petala-tala, alu terus terang dengen la alu anding-andingen erkiteken Musa terteki bas kerina dahin Dibata. Guna si e la oratna Meriam pang ngerana ras nalahken Musa.

Ulih dosa e me ukumen. Perbahanenna Meriam e erbahanca ia ndatken pinakit kulit si mekelek. Ipindoken Harun gelah Musa ertoto man Dibata guna mpepalem pinakit Meriam. E maka ertoto Musa mindo perkuah ate Dibata. Pertoton Musa e ibegiken Dibata, pinakit Meriam pe lesap. Kai si jadi e si erbahanca Meriam jera.

Perlu kal cidahken kehamaten nandangi serayan Tuhan. Dibata jadi ampang-ampang serayan si meteruk ukur dengen terteki bas kerina dahin pelayanen. Kune lit salah sinilakoken serayan, la oratna si ukum ia dengen nalahken Tuhan. Tetaplah erpenungkunen man Dibata.